



古近體詩四卷

齊東野語



光緒三年三月重
刊於武昌省垣

澹勤室詩目錄

卷一

古近體詩六十首

卷二

古近體詩三十八首

卷三

古近體詩六十首

卷四

古近體詩五十七首

卷五

古近體詩六十七首

卷六

古近體詩五十六首

澹勤室詩第一

貴筑傅壽彤著

獨酌謠

獨酌獨酌獨酌靡樂樂亦無多况乃不樂何一解意中

有人寤寐思之思之不見泣涕漣漣二解泣涕漣漣中

心殆而所思兮不見如之何勿思三解我思阿三為我

提壺我思阿四為我行沽四解行沽無人清風與歸提

壺無人明月長隨五解月光盈盈我所思兮苦辛風聲

習習我所思兮歎息六解歎息兮苦辛所思兮無窮獨

酌復獨酌其樂悲有終七解悲哉悲哉樂既終矣杯難
傾矣所思兮不見不如獨醒矣八解

夜月獨吟

夜色非水亦非煙清暉在地猶在天疎鐘敲我夢中夢
明月照人年復年奇氣最宜事經史壯心未忍爲神仙
孤琴冷落劍鳴匣披衣起注陰符篇

晚遊野寺

清磬一聲懸林開別有天雲移蘿徑月風斷石牀煙夕
梵諸峯外疎鐙古佛前別尋僧問答相與破詩禪

遊仙詩和楊大

一簾明月半庭花認作瓊樓小住家眼底偶參閒趣味
前生應是婉凌華

蓬壺歸路隔迢遙誤採琪花種玉苗風露半生消受慣
山頭夜夜坐吹簫

歸來踏破萬重山照我依然月一彎劍影橫空身到海
祇留春夢在人間

春月秋花各渺然徘徊雲上八千年喜承王母瑤池宴
脫得宮袍化紫煙

尊前

尊前誰與話南朝
閒踏青溪問板橋
十里樓臺春入夢
一簾煙月夜吹簫
銅駝淚亦憐殘粉
鐵鎖聲猶走暮潮
逝水無情偏有恨
年年嗚咽勸停橈

繡葉女士墓

湘花湘草碧無痕
芳意年年繞墓門
麥飯又逢寒食節
梨雲深護杜鵑魂
東風飄泊春偏瘦
燐火淒迷月未溫
最是劉楊橋畔樹
暮鴉聲斷幾黃昏

海禪歌

吾友楊大礪曇耽禪悅於彼氏有授受有撰著
於其成也署曰海禪爲賦此詩

壯遊不到海無以小百川學仙不到海祇見壺中天
傳衣託鉢不到南海去任爾參破金繩玉檢終覺人世塵
土相鉤連誰與跨海參枯禪禪心多垢海水潔禪悅未
定海風掣風蕭瑟兮水澄澈湧出千朵萬朵青蓮花十
萬人中乃有楊生折楊生楊生吾語汝汝不必驂青鸞
汝不必乘白虎汝不必居芝楣蕙棟文杏檀汝不必究
貝葉曇花傳鐙譜明月前生緣流水今日偈大光明藏

卽從海中取海中有霞汝宜餐勝啜鉛精汞炁之元丹
海中有雲汝宜衣勝著五彩三花之羽帔海中更有航
汝宜乘之遊一身以外皆浮漚海中又有鳥汝宜往而
住眼前便是須彌路楊生楊生行矣休復回且有故人
乘風破浪飛過海中來是時海中復有浮桴客不御風
不面壁不籌白日昇天策賴有赤子心堪登翠香國攜
之同遊雞園鷲嶺間與爾閒證三生石吁嗟乎與爾閒
證三生石回首人間世茫茫煙水隔清

破寺次楊大韻

始信禪關步步寬荒涼尙鬱路千盤堂留積蘚綠搏展
門讓奇峯青護欄繞榻雲歸邀月住摩崖詩老拂苔看
低眉我豈僧入定壁上龍蛇到地蟠

題俞秋農先生聽秋聲館詩卷

昨與公論說如坐春風中今讀公詩篇嫋嫋生秋風秋
風秋氣不在天不在淒淒切切之樹間展卷欲問秋來
處秋聲乃出公詩篇公詩如泉鳴公心如泉清讀公詩
句卽知公性情公心如泉清公詩如琴音寫公詩句並
寫公之心我昨攜素琴坐彈清泉上泉聲琴聲一齊放

譜出平生舊詩樣吟詩我與秋聲酬把公詩卷秋登樓
氣如沈滄原相投願我詩成脫卻嫵媚氣與公同撐
骨凌滄洲公詩已正詩源流況公又有遺愛助公好句
留千秋

湖湘謠以坐春風中今驚公病為繡葉女士作也女士西湖人流落湘中抱貞

而死

儂身湖上生儂家湖上住湖波萬疊繞儂身不道流入
湘中去儂到湘中來儂向湘中老湘波萬疊清儂心不

道還比西湖好湖上有蓮開湘中有蓮吐蓮花如儂心
儂心比蓮苦蓮心苦蓮花香蓮子乃在花中央蓮花蓮
葉分湖湘湘中君山青湖上孤山橫儂魂化作彩雲飛
向湖中去儂身萬古乃共君山之黛長青青

秋日偕礪曇遊黔靈深處

石氣滄如水樹影搖疑風雲起四山黑峭無徑可通相
約破白雲雲破雲復逢苔岑共蒼莽遠望青濛濛冷然
鐘磬落度此遊客蹤攜筇出林杪蒼翠搏萬重羣山來
復往飛鳥西與東回頭認來處卻在煙靄中萬疊綠無

縫四圍青不收一峯當路出路轉懸峯頭攝衣數十盤
足底飛鳥浮客行日已暮天路阻且修僧廬結蝸住洶
洶雲氣流天風激四壁動若不繫舟絕壑此覲面大塊
成浮漚水聲聽河漢鐙影接斗牛拔劍時一顧山鬼鳴
啁啾恨我非化人志懾難少留

十二月初五月初生女

天將春色靳貧家姊妹枝從冷處華怪底清癯似阿母
連宵風雪夢梅花

天意蒼茫那可知蘭徵麟夢故遲遲傳書尙是他年事

先遣人來繡我詩

甲辰四日遊城南劉氏別墅

閉門三日春已到不知春到心猶懊春光九十已缺二
閉門三日春未探欲探春色乘春去春在深山最深處
十里五里懸一村千重萬重青繞門馬蹏輕隨溪雲奔
春風吹我來山園山園隱在山之曲不見山花見山麓
山麓障花花不老花光常共山光好山光入浸花光濃
花外復有白雲封白雲護花先護山山深不放春色還
春鋪萬頃花萬樹花發無垠春無數看春我豈爲花來

有花且爲花徘徊徘徊多少春山景山鐘敲我春愁醒
呼琴邀客彈梅花梅花亦惜春有涯春有涯日易暮人
亦如春晚卽歸杜宇聲聲喚不住

春風
慰張春樵

一曲青溪繞暮煙春風吹夢破嗁鶻何人省得傷心事
細雨疎燈冷舊絃

春樵以過驪山弔唐宮人詩見示戲次其韻

亭亭花影破春來萬種閒愁付酒杯何日女貞西畔去
一拋清淚哭詩才

芳草頻年泣杜鵑驪山猶認舊烽煙美人自古皆黃土
若箇魂埋戰骨邊

蜀草青青老墓門春來春去總無痕傷心借得紅鶻血
銷盡東風一縷魂

白楊煙鎖舊嗁鳥憔悴年年望雨都最是西風閒不慣
暗催霜淚滴秋蕪

一簾明月坐春宵曾著霓裳按六么舊日承恩人不見
暮雲宮樹夜迢迢

楊柳絲絲隔鳳城江山花鳥破春情回頭翻幸承恩少

博得詩人問女貞

小閣

小閣黃昏欲暮時
斜陽低壓柳絲絲
許多春夢無從覓
滿地落花飛去遲

憶舊遊

山色空濛抱紫煙
山風吹我上層巔
幾回踏破遊仙路
雲滿天涯月滿川
斜陽春樹暮雲空
畦畛回環徑曲通
山色水光看不定
馬蹏輕入一溪風

江水漫漫繞暮煙
鐘聲敲月下瑤天
十年遠隔揚州路

獨坐山橋話舊緣

山花過眼不回頭
花故念念客故留
留得一番春意緒
教人攜到十三樓

春草春花去不回
雲山雙袖我攜來
夕陽夢醒峯頭坐
歸鳥隨人下綠苔

萬山春鎖夕陽遲
立馬河干欲暮時
幾處東風吹不去
晚尋芳草坐題詩

夜步池上

斜月下屋角微風出林梢瑟瑟秋堂中
蛩語冷不騎晏景蕩心魄把劍巡堂
劫心空半潭水俯瞰星斗招吟魂
醉欲入陡覺天不高水色暗羣動漏
板催殘宵悠然發長嘯驚起鶴鶴巢
回瞻一燈影待夢青搖搖

遊翠微閣

琴心寂寂水淅淅小閣黃昏欲暮時
花影一簾人載酒江聲四壁客留詩
唳鵑有淚紅春樹芳草無情綠
攜得清商彈古意雲停月住說相思

侍何子貞師登黔靈山絕頂

西南天畔萬山秋壑祕巖肩太古幽
絕境至今誰載酒先生到此我從游
俯看雲氣來齊魯坐擁星軺拜斗牛
鄉郡料應添近事許君門有尹荊州

北行

黔山歸卧已十載擲筆不繪燕然秋
好山萬里看不厭出山又作遊子遊
豐臺花老亦相識春明別去春不留
事如殘夢醒能續會須痛飲西山頭
痛飲西山頭取得西山月抱月當從
天際歸踏破千重萬重雪
姚伯山太守招飲半山園卽席賦別

有酒不飲亦復醉意氣卻比元龍豪北江老去孫郎死
絕學乃在桐城姚姚公好古嗜能齊仰戴北斗天爲低
異書撐腸難自秘落落蘊爲文與詩姚公善爲文文不
學歐九姚公善爲詩詩不仿陶柳文成十萬詩千首祇
取當筵一杯酒酒外知心不可尋醉裏乃復彈秋琴琴
聲宛轉歌聲促月黑天昏燈炮綠相逢悔在相別初誰
繚長空作詩屋

附錄和作

姚東之

生平守門如玉女恥矜壯健人稱豪龍眠山下打頭

屋上尋羲皞追黃姚世閒論物誰能齊坵堙爲高泰
華低桓譚不肯通孔讖劉戊早已輕申詩入世不如
意八九強逐時趨識楊柳學書學劍兩不成宦海蹉
跎已白首原憲善辭九百粟陶潛惟飲一杯酒道在
藜藿遂初心晝調舞鶴夜鳴琴琴心鶴唳堪祛俗無
奈奔輪衰景促沅水湯湯延水綠念君才調忽泣然
一樹梅花傍寒屋

芙蓉樓曲

楚山青楚水綠芙蓉樓倚楚江曲芙蓉樓上柳接天芙

老我閒愁總是春落紅誰與惜芳塵馬蹏聲裏東風暮
祇有楊花解送人
生小娉婷姊妹憐青溪深處板橋前卽今夫婿猶堪羨
回首風流更幾年
拔劍高歌歌更哀英雄兒女各詩才平分熱眼看愁緒
都是前生帶得來

陌上桑柏鄉道中作

大婦行采桑中婦執微筐少婦未解事笑語楊柳旁楊
柳兩三行杜宇聲斷腸聽到不如歸去也不知郎可憶

家鄉

邯鄲行邯鄲道中作

邯鄲少年遊俠多黃金結客驕綺羅邯鄲女兒好身手
笑拍胡笳折楊柳二月東風楊柳枝征塵撲面征馬嘶
東風化入愁萬絲夢裏幾作邯鄲詩生年四五六楊柳
不盈掬春光仍上去年枝好夢都從前度續十三纔過
又十九浪遊嶺嶠燕然口百年舊事空回首幾入邯鄲
呼美酒昨來京國程八千邯鄲城頭朔雪天歸來消受
塵萬斛邯鄲城頭醉擊筑君不見邯鄲女兒清且揚邯

鄆少年慨以慷十三解歌舞十四能文章妾行作商婦
郎行試明光郎乘金絡妾明璫西山山頭春草香春風
繫馬垂楊旁郎行莫折楊妾行莫采桑丁香花繁紫燕
雙馬蹏復恐驚鴛鴦來飲邯鄲酒如殺邯鄲倡邯鄲城
頭歌欲狂拍手仰天笑傷心雲雁長策馬屢上邯鄲道
富貴何如歸故鄉吁嗟乎富貴何如歸故鄉

晚渡漳河訪銅雀臺故址

莽莽長河落照寬鞭絲鈴語下歸鞍卅年春色東風晚
萬里平沙舊壘殘古碣尙餘詞客問好山曾付美人看

傷心認我重來路宿草無情入望難

五日渡黃河

闕逢歲涂月北風吹雪開我來黃河邊煦煦春初來越
五月在臯歸心促行旅我來黃河邊屈指是重午綠楊
青柳春草深馬蹏幾落黃沙陰沙痕埋得春無數策馬
重來春又去火雲滿地征馬瘖道逢令節時易徂萬古
流盡西馳日敖山高高黃水麤

鎮江之亂有被虜女子題詩於海神廟者昨於鄭
州旅店壁間見之得二十八字

海軍室全集
海水西浮欲到天
尚餘粉說烽煙
笙歌甲帳將軍奉
誰倚東風哭杜鵑

晚宿新野

夕陽西去斷雲東
鈴柝聲聲響暮空
楊柳數行村店酒
江山半壁戍樓風
遊燐明滅疑殘燒
宿草荒涼接故宮
回首當年爭戰地
幾人看劍惜英雄

調鶴軒

在板倒井漢光武帝祠中

宿草青青夕照過
逢人頻與話煙蘿
輦紅十丈花千樹
回首中原戰馬多

澹勤室詩第一終

澹勤室詩第二

貴筑傅壽彤著

安平道中

馬蹏不知徑時與雲氣逢
回頭看世界渺渺青無蹤
一山有雨羣山封十里五里空
翠濃家山雖去猶縈胸
不然策馬已入滇雲中
歸夢何以不隔雲萬重
噫吁嘻家山雖去猶縈胸

鎮甯旅店題壁

傷春幾日上春臺
瞥眼滇雲路又催
三月家山留客住

北歸甫
三月 萬重歸夢付詩回閒看風雨敲銅鼓借取煙霞
盡酒杯憔悴西南天畔去劍花寒上舊莓苔

時永昌
用兵

郎岱道中懷紫霞道士

霞光如水海雲陰鐵笛橫吹壯士心潮走祇看春北渡
天高誰語夢西沈三千世界青蛇老十萬樓船白浪深
醉倚層城看贈句一回搔首一長吟

亦資孔驛亭題壁

此地爲滇
黔分界處

驛亭疎柳數行秋歷盡家山是此州到底鄉愁何處是
教人無語怕回頭

杜宇吟露益道中作

柳千條花萬樹杜宇聲嗁不住春去春來客行路行路
難復何語吁嗟乎行路難復何語一聲聲聽杜宇

次易隆驛

又是一重遊霜華滿地留故鄉還駐馬此日復登樓詩
境南中補離情夢裏收停琴屢東望一晌白雲流

善巖道中

花鳥南來不喚春十分憔悴壯遊身傷心怕問江頭柳
何處青青是故人

里中三憶詩

並序

余弱冠前朝夕侍先夫夫無友歸里後識尹君
蘊皋尹君性古淡動與時違惟與楊大劍曇爲
道義交劍曇與余相識也未通款悵以余友尹
君故余亦以尹君友君故心識之者數年乃訂
交焉最後得王二鏡吾亦二君友也今歲余客
滇中幾半載與諸君遠矣而情思所結不能已
因各爲詩寄之並歷敘其蹤跡之概如此時乙
巳冬十二月十二日

尹茂才良琨

里中我何憶我最憶蘊皋十年飽憂患舊學今逾牢寒
林閒枯景淑氣凝蓬蒿西風滿懷抱明月含秋毫之子
道力深濁酒飲不豪放眼看天地傷心歸吾曹落落鬢
邊絲慄慄匣中刀前夢何時續立馬霜天高癸卯之秋
夢與君出
塞馬上我亦從君遊落日塞垣古碧血光寒劍花吐憶
聯句
夫子兮黯無語

楊孝廉文照

里中誰最憶我憶芋香館明月空山高之子意獨孀白

眼看天行酒波常不流
楓林夜夜歸劍影寒欲斷蓬壺
萬朵花十載會結伴記否說清明共把愁城展謂今春與君同
住京華事春色怕回頭相思妨夢短望子卅年中弱水西流
轉我亦化青蛇來步江上波江風浩浩江月多憶夫子
兮傷如何

王茂才懷真

里中我何憶我憶城南王秋風時把袂梧落山月黃念
子不作詩爲我傾千觴醉中乏儔侶落落尹與楊謂蘊皋劍
曇晨星薄林末意復憐參商萬里明河直夜影寒欲霜

朝折楊柳枝暮看雲數行胡爲邁行路貽君心彷徨我
亦苦相思相思何處說一劍鋒寒半腔熱憶夫子心
惺惺

他郎道中

未闌春興且高歌杜宇聲聲喚奈何儂道不如歸去好
桃花紅處淚痕多
滿徑斜陽村復村東風飄泊幾黃昏回頭怕問春消息
瘦盡梨花一縷魂

訪素魄女士墓寄劍曇

把手煙霞話幾宵依稀猶認小溪橋梧桐疎雨前番夢
楊柳東風二月簫春色關心看到水花光過眼去如潮
最憐芳草淒迷處又惹相思路一條

畫樓

畫樓風暖柳飛絲十二迴欄暮倚遲碧海青天人入夢
紅燈綠酒夜敲詩當花偏覓春歸處拔劍頻看月上時
最惱嗁烏聽不慣誤儂絮語是相思

懷劍曇

自入新春更寂寥拍肩誰與話層霄紅塵插腳知何處

白眼看天又此宵花月一簾留夢影雲山雙袖老詩瓢
不堪細認臨歧路憔悴東風第幾橋

古意

郎家江南住妾家江南住不道江南春年年渡江去郎
佩芙蓉劍僕理鴛鴦絲相思最辛苦合歡能幾時三十
六鴛鴦背人還獨宿如何牽儂衣卻看春江綠郎從江
北來道儂相思苦相思經幾時不敢從頭語可憐淚痕
多郎行不親見攜手數桃花是儂舊時面

搗衣辭

西風滿庭樹落葉秋復多舉酒屬長夜相思當如何相
思當如何攜手看明河明河耿耿地在陰草蟲知秋不
復知我心不復知我心乃幾千家砧杵手聲萬聲秋
敲斷關山六片原箇箇回聲斷交吟管春山綠眼淚
滿笑感懷東揚太滄海秋思最辛苦合樽論幾朝三五
懶作男兒廿九年學青學劍學參禪老名我老中淚
白眼頻看醉裏天壯不如人堪說鬼癡難爲佛且遊仙
轉他十二瓊樓看南島春我十交連

命秋農師以壯征集屬題

我亦風濤不繫舟別公更憶從公遊疎星寒月長河夜
柳葉槿花舊部秋攜得江山經手寫看來天地有詩留
何當萬里高吟後醉把煙霞上十洲

塞上曲

殺氣層層雪滿衣寶刀新缺出重圍回頭記取來時路
斜月沈西萬槩飛

縛賊歸來又賦詩沙痕滿地月輪遲可憐照盡山河影
鐵甲無聲戰馬嘶

劫火零星血未乾戰場秋老暮雲寒無多荒草埋忠骨

賸有斜陽子細看

勅勒歌殘落照渾酒波誰弔國殤魂山頭一片青青草
不是春痕是淚痕

劍曇以紀夢詩見示依韻報之

世事頻看盡繞藤醉餘難醒喚難磨十年有約歸蓬島
一面何緣識定僧扇影畫來花潑潑江流捲到月層層
分明是我前遊路指點蓮華數盞燈

答劍曇

江橋危鎖紫雲孤眼底航撐白浪麤明月前生成小劫

空山十載誤陰符蓮華半落香仍定蓬影橫飛燒未枯
遙憶講經臺畔路依然是我小蓬壺

仿馬湘蘭法畫蘭自題絕句

湘波湘水白無煙留得前朝墨尙鮮日暮相思何處是
秣陵秋雨十三年

楊烈女詩

吁嗟乎楊烈女字於吳郎已殂女曰吁歸何所楊邪吳
邪兒不可以家邪嫠邪女邪辛邪苦邪食邪茹邪父邪
母邪舅邪姑邪甯無憾于汝邪昂昂者龜盤盤者組蒼

蒼者天黯黯然無語怡怡兮以歸悠悠兮終古吳郎吳
郎在何許吁嗟乎楊烈女

春華篇

元黃孕牝牡二五凝真精北斗蠱空蒼九六交件呈嚮
方渺何端損益元氣行太虛紐東北兩與蒼龍驚著我
於其間天上春正生
有我春與來無我春不去萬點梅花心益得春暉起回
首春來時關心春歸處春復春誰向春深住悲哉
南極翁心苦將春護

春情護幾許秋風吹滿天蒼然秋氣深皓月中宵懸纖
塵下弱草乃識霜華折霜華滿行路獨立秋風寒秋風
秋復秋春光年復年念人漫水中央

春色來天東春色益天北春色西南交春宵北斗直秦
虜扇六合黯黯春無色萬古歲長夜春光難再得與子
春光中春華當努力

周雲棧刺史招集同人賞牡丹以事未起即用其

見招詩韻奉酬

青芳韻果如何表亦高

從來花事易，嗟此東風過。曉春沈水烟，雨論心酒泛波。

憶到長安最蕭瑟，瓊華陰裏故人多。去年此日何子貞師集海內諸文士

於報國寺祀亭林顧先生飲牡丹花下壽彭亦與焉時主人將北上棖觸於懷故有末二句云

君子亭亭為管中校射之所

西南十萬遠，山蒼寂寞當年舊。射堂春色平分天一角。

池波微縵月千行，高城試馬東風晚。亂草埋碑野燒涼。

長是蓮華閒處好，念念人影水中央。

吉祥寺雙柏寺在滬水傍

朔風動天地，茂林秋草荒。亭亭舊雙柏，並立支滄桑。英

雄此終始百年無斧戕，嗟予俎豆嬉已識雙柏蒼中歲。

志仕宦游策陵巖，疆四睇息淑景日暮摧我腸。雙柏有

餘影迺自前朝芳，生世苟如此志士慨以慷。渡江痛皇

晉越嶠綿南唐，梅花江水深桂嶺秋月黃。卽論李太原

名義猶輸將，貞臣尙未遇事外曾歎傷。松山哀何極，渝

關師復揚誰為申，胥出惟有延陵倡。熊師迫可渡，狐窟

搏河牂飲馬，鐵橋邊橫架銀生陽。功成謝朝列，親知濡

餘光。雄心無孺子，佩印為真王。傷心庾開府，駐節屏昆

明朱明日以移新恩，孔且滅一朝時事異。決藩恣披猖。

狂飈扇颶越濁霧絡秦羌
嘯歌楚江濤顧盼環奔鯨
吁嗟誰苦辛邊城親歷敷
迢迢萬戶府歧路摩彌旁
東拒絕交廣西龕缺烏芒
大計疇攘臂勝算欲扼吭
朝飲南明水暮裏澗溪糧
雄關阻天塹絕渡膠餘艘
弓刀久消索肌力茲踉蹌
寒林下白日孤節凌秋霜
平生數知己身世終國殤
歲寒誰與同八閩風雨長
人生有出處功名難較量
短詔有所懷懷古胡勿昂
莽莽立辰關滔滔指清浪
渺渺祝衡雁知否來柏堂

澹勤室詩第三終

澹勤室詩第三

貴筑傅壽彤著

丙午冬再偕楊劍曇北上留別同學諸子

匹馬頻年盼卸鞍
催人風雪又長安
青回野岸邊笳冷
白走荒沙亂葉乾
各有詩情隨夢轉
平分劍影入愁看
天涯難寄相思緒
記取燕山路幾盤

施秉道中與劍曇同賦

匹馬催寒急心西路復東
梅花孤澗雪落葉晚山風
目迴平沙外愁歸一劍中
那堪同眺處幾點斷征鴻

玉屏曉發

沙影迢迢夜渡霜平蕪東望更茫茫多情祇有楓林月
眼底分明是故鄉

晃州小住與劍曇作

天際路漫漫孤雲一片寒平隄衰草暗落日大江寬沙
闊當秋立途危著步難停輿屢西顧腸斷是歸鞍

晃州道中

把手話飛蓬蕭蕭向晚風樹沈邊月暗雲走亂山空大
漠弓刀影寒江水石叢眼前無限路何日是歸鴻

風雪篇晃州道中作

雪花貼地風沙乾江風吹水江波寒十里五里循江干
風邪雪邪山幾盤厭鳥飛絕輿夫歎到此嗟哉行路難
噫嘻行路難而我來長安長安畢竟少年好回頭幾上
長安道萬樹梅花一夢中付與空山殊草草空山寂寞
江無波孤雲冉冉離山阿相思不解看明河祇今離恨
奈若何噫嘻祇今離恨奈若何自是人間風雪多

自芷江至山塘道中與楊劍曇話舊述以長句

我家本江東今借黔山住學書學劍春復春人海飄零

沈蕙室全集
二
愁日暮江流浩浩江波浙江頭立馬殪馬嘶朔雲邊雪
梅花枝黃昏歷盡今幾時催人最是長安柳未入長安
各搔首狂嘯薊門秋醉飲邯鄲酒大行磊落嵩岱高眼
底浮漚大如斗歸來意氣凌雲端衡影參天湘水寒繞
湘蘭莖生青煙馬蹏不得住南躡嶺嶠巔棲霞隱隱仙
乎仙拔劍斫地百塞邊銅鼓詩名三十年曾中奇氣鬱
難錮回頭更訪江東路青山十載秣陵舟淡煙斜月江
邊樹江樹排空水雲紫北江老去孫郎死拍手看天歌
欲狂埋頭研故訓奇字融三蒼男兒憂患在識字熹平

斷碣乃復勸中郎中郎才調殊石墨留奇矯雲山剝落
風雪深天影西來青了了長恨是書生傷心歸懷抱匹
馬江山寬浩歌天地小河山自古戰枰開浮雲朝露知
多少把酒消愁愁奈何慷慨淚入中原多君不見滾滾
石頭江點點侍中血蕭蕭邏迤風皎皎長城月黃河北
走天西折摩挲風雨斷墨乾筆暈狂消滿腔熱請看龍
泉太阿之孤劍赤冶白陽之寶刀朝注陰符篇暮演龍
虎韜樓船甲帳不可招朔風吹月霜天高明珠十斛醉
葡萄朝飲潭溪水暮望潭山坳秋雲硯影風颼颼男兒

三十不作封侯相

前得宋知潭州忠節李公殊書節字
硯於桂林樓霞山下因以名齋楊大

作歌
記之

讀書萬卷亦足資人豪可憐萬古塵難浣明日之

日今苦短名山分到古人多十二萬年齊放眼君不見
節硯齋頭雲豁陰古人看到今人心縱橫萬里賦歸去
天空落落彈孤琴孤琴寂無語天末道珍侶踏破西南
十萬峯攜手看雲到燕許閒愁酒盡杯無波幾度城頭
聽秋雨秋雨復秋雨相思最心苦霜葉楚山隈煙波楚
江渚十日衝寒劍花吐天涯寸草春暉心楊生楊生吾
與女

渡辰溪

名山幾日成離別劍影錚錚頭欲雪江流貼地江波飛
相思冷落前宵月月明最是南山阿十二萬年今幾多
會須痛飲看明河古月今月青天過今人古人愁奈何

辰陽驛

古驛亂山橫頻年萬里行牛羊邊草路風雪舊詩情北
雁前峯影南樓昨夜聲霜華滿林樹迢遞入歸程

次界亭

脫葉下林末梅花開滿山相思舊春色迢遞入陽關落

日一鞭影孤雲飛鳥間天空幾搔首最好唱刀環

辰龍關題壁

十年慷慨老詩才莽莽重關鐵繡苔白日回頭江北走
青山放眼我西來桃花亂入春前路石火寒銷劫後灰
最是武陵無處問斷煙斜月幾停杯

自辰龍關至桃源道中讀戚將軍紀效新書漫賦

江山看不住往事亦悽然石火中原壘雲帆海上天蒼
涼歸短鬢慷慨入中年知否溪頭路桃花萬樹煙

桃源道中有懷

小閣聯詩最愴魂迢迢鞭影更黃昏離情拌入天涯路
世事催成夢裏痕春水綠黏飛絮輒亂山紅上夕陽溫
十年孤棹江南暮又是桃花第幾村

桃源洞

桃花溪桃花煙桃花栽時今幾年桃花之南辰關窮岷
桃花之北荆流湛碧溪頭紅雨春雲陰斷橋曲曲桃花
林千枝萬枝好顏色林樹暮還朝溪流鳴復咽人間多
少桃花血桃溪之南沅有芷桃溪之北蘭生澧楚山青
青楚雲紫君不見楚雲紫貞臣死桃花溪汨羅水

宿武陵驛

把酒看長天，天空萬景懸。桃花武陵水，孤棹驛門煙。風

雪重霄裏，關河兩鬢前。如何村語近，猶自說神仙。地距

源不之 趙河題壁

趙河題壁

趙家河畔柳參差，繫馬重尋壁上詩。一事教人無覓處，

年光如水鬢如絲。

真定道中

平沙莽莽斷雲懸，鈴柝聲催落照圓。一路黃昏看不盡，

太行山色薊門煙。

邢臺旅次題壁

北斗橫空夜正高，朔風吹月上征袍。年來更入中原路，

醉倚青天綽寶刀。

沅陵驛舍有懷劍曇夢廬

十年風雨鬢絲凋，眼底春深路幾條。為問相思何處是，

亂雲孤樹五溪橋。

城城南玩月

月華千萬里，西風吹與還。不識此清夜，依依皆故山林。

疎散孤景江空移遠天零露沾我衣飛颺摧我顏蒼然
夜氣深懷人秋草寒何時倦凝睇相思良獨難

獨居故不樂篇

十年風十七夜齋頭玩月鄒明經叔績和詩有獨居故
不樂句感而賦此覆柬叔績嗚乎茂先勵志太
冲詠史殆爲此耳魏文帝云少壯真當努力年
一過往何可攀援願與叔績共勉之所謂既痛
逝者行自念也

獨居故不樂俯仰成古今古今一旦暮日暮愁人心日
暮愁人心清風懷素琴獨居故不樂明月歸故林月照
古人來月送今人去來去成古今古今一旦暮古今一
旦暮日暮愁如何十二萬年中古今月孰多噫嘻今月
爲我有今月乃在古月後今月古月常如此古人不朽
今人死獨居故不樂心事良已矣十二萬年中憂患吾
與子

日陳愚峯以慎守編十四卷藉鈔賦此誌感

幾回燕趙壯遊孤樽酒逢君話草廬醉裏乾坤雙劍影
歸來風雨一椽書春深好夢曾騰後詩入中年感慨初

也識封侯綠底事關心祇合是躊躇

彭節婦詩

日邪月邪圓邪缺邪風邪雪邪潔邪烈邪松邪柏邪貞
邪節邪鵠之飛而鴻之折邪離邪別邪鵠之嗚而烏之
咽邪淚邪血邪解一之子邪之子之無家邪之子之無夫
邪之子無夫夫子有子子是夫子之子不死解二子邪子
邪何竟死邪之子無子夫子有弟夫子之死之子之事
解三之子邪日月云邁之子之名無翦無敗風雨娑娑之
子之心之死矢靡他松柏瓦苴之子如一兮靡所與同

解四

雲槎以所著黎峩雜詠見示奉題二首

石火劫茫茫蠻隅近破荒
檀花春徑老榭葉晚山香地
捲鴻濛色天留太古蒼
西南峯十萬幾處入巖疆
絕塞五雲屯屯荒舊壘存
東風終歲少亂草入秋渾
箐密天無影巖深劍有痕
何時為鑿險辛苦著囊韉

答雲槎見和長龍關題壁之作

戰枰終古幾人材鐵壁蕭條半是苔
亂草碧沈荒戍遠羣山青入舊詩來
桃花寂寞春無影石火零星劫未灰

底事雄心銷不得一回搔首一銜杯

和賴古堂登杭州城樓詩

嚴城刁斗亂雲寒芳草青青舊壘殘絕好江山當暮立
可憐風雨入秋看天留半壁居仍易路到中原望總難
滿地兵戈千古意不堪回首是闌干

湘中歐陽子菑攜琴過訪彈瀟湘水雲及秋鴻之

曲

嗚乎瀟湘之雲瀟湘水瀟湘之琴乃如此十年記作瀟
湘遊孤琴夜雨瀟湘秋秋聲畢竟歸何處君不見瀟湘

之雲出山去瀟湘之水亦東注秋聲畢竟歸何處碧月
寒鎖瀟湘渡江蘭夜泣瀟湘路天涯多少瀟湘心青天
倚到瀟湘暮瀟湘日暮吟不得回頭更訪瀟湘客朝彈
瀟湘春暮彈瀟湘夕瀟湘之雲雲生白瀟湘之水水浸
碧雲邪水邪瀟湘聲琴聲應北瀟湘清君不見瀟湘之
南鴻飛渚斜陽路隔瀟湘許放來天影瀟湘青相思夢
落瀟湘苦又不見瀟湘之北風沙乾塞垣雁斷瀟湘寒
江湖滿地瀟湘影潮回都作瀟湘看瀟湘寂寂琴心老
秋光無數瀟湘好瀟湘浪湧九疑青竹斑淚冷瀟湘汀

瀟湘遠接汨羅水，斷腸煙樹瀟湘裏。
噫嘻瀟湘千古幾人住，君不見雲出山水東。
注瀟湘，邪邪琴如故，倚琴更作瀟湘歌。
瀟湘日暮當如何，離愁自古瀟湘多。
南朝東揚大劍曇，南朝東揚大劍曇。
大江東去月西流，攜手人天作浪遊。
先我七年經小請，輪君一事解長愁。
閒中風雨青蛇老，醉裏乾坤綠鬢秋。
漫說雄才同往詰，男兒三十未封侯。
更憶當年公府，碧城雜憶詩和夢。
廬作從天到，楚公言。絲絲煙柳百花城，
花底聯吟豔姓名。天上有誰同懊惱。

人間伴我過清明，東風憔悴疎鐙影。
斜月朦朧細雨聲，如此韶華如此夜。
那堪回首更嗚鶯。

江南春好總如煙，多少黃昏最可憐。
劫後鴛鴦醒後蝶，愁中花酒病中天。
紅闌小院瓊簫短，碧樹高城璧月圓。
一樣深情輸到爾，念念猶自照人眠。

十年我亦感江湖，桃葉桃花第幾株。
最惱萍根偏鄭重，可憐絮影總模糊。
青山畢竟埋香好，明月何曾照劫枯。
祇惜念念又歸去，斷腸春色付蘼蕪。

東風吹雨綠陰還，十二瓊樓駐玉顏。
別後相思憐字少。

從來愛好許花間年華似水春能住世事無端夢亦慳
最是女貞墳畔草子規聲裏夕陽殷
霞綃翻亂五銖涼爲我諄諄話幾場絕世聰明工感慨
一雙花月立滄桑東風灑淚雲英老夜雨論心杜牧狂
愁絕海波飛十丈可容著眼認蒼黃

天東明月海西潮春色三分路一條鬢影最憐花外好
夢痕都向酒邊消連番青眼飛來絮如此紅心剝後蕉
漫說愁根拋不去鬱金屏底幾今宵

寄劍曇

最難風雨是前途山館寒歸泣夜烏鬢影偏人春後短
戰杯著手晚來孤千秋積感三杯酒四海論交一丈夫
底事青楓閒不住頻頻催我注陰符

來仙閣

烏盤滾滾此中流天際浮雲水上樓山影西來堪放眼
河聲東去總低頭樽前落日千家晚笛裏梅花萬樹秋
可惜江湖無處認相思滿地不勝愁

蓮心曲爲董節婦作

霜天冰雪風沙沙朔風吹作青蓮花花開花落自今古

傷心更比蓮心苦蓮根生傍富貴水節婦爲薑燕林相國族女蓮絲

牽到黔江淡蓮花十丈今作田行將寫照蓮花邊風波

影裏三十年蓮心儂心仙乎仙影裏三十年蓮心儂心仙乎仙

重陽後一日陳復廬丈招同然清孫君小集寓齋

賞菊醉中放歌雲木北對山溪西來樹

秋風瑟瑟秋月黃秋星落落懸秋堂好花千朵酒千觥

可憐風雨經重陽重陽復重陽歲晚花逾香花開花落

自今苦眼前卻憑依鬢蒼况有賢主人爲我飛霞觴酒

淚萬疊愁不浣青天如磨看欲狂緬懷千歲憂此味誰

與賞前輩李青蓮席次以飲中八仙分賜近惟洪與黃

斯人往矣不復作嗚呼乃有城南楊謂劍星一回搔首

一回彷徨大治茫茫孰爲陰與陽九州莽莽孰爲朝與

翔十二萬年瞬息爾况生六萬餘載之後不復遊羲皇

君不見三十四朝中辛苦千萬場英雄成敗無主張姓

字何以不盈三千五百一十四卷之琳瑯吁嗟志士多

慨慷朝吟九霄邊暮飲北海旁醉裏題詩語不莊一詩

奇主人一詩投孫郎孫郎孫郎須激昂君祖與我祖懽

怍歷滄桑坐次孫君談及十一代祖殉節事余十六世祖爲湖廣左布政亦殉忠難子孫流落湖

相洎余高祖始以土缶盛骸骨攜入黔中今葬於城東象寶山左者是也我祖比君祖遺逸

堪悲傷

余家以式微故於不純廟修勝朝殉節諸臣錄時未獲上之於朝以故史傳闕載知者亦少

孫郎孫郎須激昂君不見月無光星半死秋堂中花痕紫十二萬年類如此擲筆狂呼君去矣

將軍行

四陣中辛苦千萬身英然如項無主悲壯

將軍生小哈河旁漢家天子丈人行遣我蒲桃錦著我青鼠裳修翎結束懸秋光十三好頭角十五入建章二十典宿衛新拜羽林郎好鞍好馬黃金鎗生不願封萬戶侯往來射獵青石梁多少俠少年春風度長楊寶劍

錚錚來尙方將軍飲馬東海陽談笑酌酒慷慨傾駝

羹佩劍立馬冰天蒼陣雲深處躍瑜張將軍功成不受

賞君不見舊日三箭天山橫天山莽莽雪花涼一從霍

粟姚再出遮虜河前屯酒泉後屯城甯須荆楚材請自

一隊當身非左都護等搏右賢王粟騎待罪殊恐惶將

軍今復經河湟嗚呼將軍今復經河湟將軍當年飲馬

東海陽

後將軍行

不奇萬戶侯上馬殺賊休脚躡君不見漢家衛尉蘇

平陵三從大將軍全師出雁門出雁門城朔方次高闕
略定襄三十有二戰戰戰不離傷捕伏聽者三千十七
級餘勇復馭馬牛羊揚武于烏蓋搏戰兮令居執渾邪
捕羅姑斬邀濮搏稽且有賢神王千餘殂全甲兵而還
功名遠上息與沮甯惟息與沮君不見隨成侯趙不虞
敖邪說邪蔡邪朔邪立功大單于落落蘇平陵巍巍奇
丈夫朝不爲侯家騎莫不爲平陽奴一朝亡去胡爲乎
亡去者誰蘇衛尉不死者誰大票騎噫嘻票騎不專誅
惜哉衛尉非肺附

楊大編北上聯吟集成漫賦
壯遊如我不堪論眼底浮塵夢裏痕何處雲山飛短劍
滿天風雨大中原詩懷更積歸來感客路重經斷後魂
珍重夕陽休放去七千里外幾黃昏天翻地覆幾何風
題徧桃花又理襟茫茫南並是知音如君定有中年感
與我平分萬古心絕好江天經手寫無邊風月入懷深
最憐攜得前遊句半落青衫酒漫斟
五溪東去大江懸濁浪排空醉欲眠盛佳乾坤雙照影
畫來南北幾經年清宮葉落千山雨巫峽雲深萬壘煙

祇惜擎杯無處問劫沙終古月團圓
燕支山好別經年夢入紅埃路八千
秋老寒添風力健河深冰轉馬蹏堅
鈴聲落照朦朧裏雁影遙空黯淡邊
到處黃昏看不盡分來情味幾瑤編
自入邯鄲夢最工歸程如我太恁恁
十年詩卷雙輪外萬里關河兩鬢中
眼底霜華鴻爪跡天涯絮影馬頭風
相思不斷青青柳底事長隄逐短蓬
寄與重尋舊路詩懷天上久珊珊
別後風光與未開瀛浦曉涵千樹月
瓊華春釀百花欄樓臺金碧閒中倚
楊柳昏黃夢裏看

漫說年來未蕭瑟蓬萊清淺不生寒

有懷

湖山青峭大懷孤秋老煙波舊酒壺
醉裏荒唐天不問滿身星影讀陰符
野火淒涼亂葉深明河清淺瀉長襟
相思滿地憑誰說付與寒蟲子細吟
未開春興百花殘金碧湖山懶不看
道是莫愁愁未了紅樓倚徧玉欄干

酒懷詩味又經年水上年華夢裏禪
往事如塵飛不斷

秋風秋雨更纏綿
火土年華幾處尋
每收靈氣小窗

探梅

東風寂寂水迢迢
無那相思路幾條
到底高寒香最惜
一枝冰雪百花朝

贈劍曇

根生石人後
麟君意氣同
文章經感慨
杯酒足英雄
鬢影沈流水
年光化短蓬
天涯多少路
腸斷是青楓
不用華髮看
如此青衫更幾年
斯人各性命
放膽入詩篇
弱水西來路
蓬山劫後緣
蒼茫屢攜手
珍重話歸船

答劍曇三月三日棲霞山望翠仙詩一首

閉戶結魂夢
落日飛餘紅
蠟展陟層嶺
著我長天風
天風浩無端
修路步幾重
鏗然瓊瑋聲
適與魂魄通
悵言十年別
相思紛若叢
感積不能致
睇遠天欲空
芳草自裊絮
飄泊終若蓬
故人心復爾
憶子清明逢
年年有此日
一日千萬衷
衷結夢轉疎
此會誰與同
昨更寄我詩
愁思不可窮
上言久離別
下言各西東
懼我不察識
指我潛淵中
祇惜夢來處
泠泠山又鐘

袁浦夜泊偕王桂圃上舍飲九華酒樓

澹勤室全集
九華樓下水波流九華樓上月如鉤月明不渡長淮水
別有相思天盡頭

袁浦曉發

看罷吳山又理裝遠從京峴渡淮陽十年銷盡雙輪鐵
萬里催成兩鬢霜滿地櫓槍森壁壘何人旗鼓駐巖疆
此行自是封侯去顛顛西風戰幾場

澹勤室詩第三終

澹勤室詩第四

貴筑傅壽形著

戊午八月重過趙河見甲辰冬與楊大題壁舊句

感而有作

故人何處劇堪憐壁上題痕亦化煙惟有檐前好明月
停杯我欲話當年
十五年前此放謫江山依舊我蹉跎明朝不肯念念去
猶有詩情付趙河

汝墳橋題壁時由葉縣軍營北觀

飄零書劍久從軍
匹馬今朝又汝墳
滿地遊蹤無處認
霜華鬢影各平分

十五 會慶廬遲案頭絲萼梅未開二首

前生應是婉凌華
小住瓊樓第幾家
日暮相思無處問
教人腸斷立天涯
冷淡心情冰雪姿
故園今夜舊論詩
那堪十載重逢處
又是黃昏欲暮時

浙川道中

漫說崎嶇不易行
一麾今日過邊城
村炊晚帶秦煙密

馬首遙瞻蜀道平
到處雲山堪放眼
無端風雨最關情
年來多少鄉園思
付與南樓雁幾聲

四首 德研香太守焦山放鶴圖

粵歲在癸丑我作焦山遊
江風浩浩江水流
君所放鶴不可見
使人萬古生煩憂
江上況有烽火浮
我今披圖鶴如故
江月自西沈
江波自東注
望斷南徐數點山
不肯飛向青天去
夕陽樓自然
奔愁心千疊
江之南舉首欲問陶真白
何日與君重挂帆
庚申冬由睢陽移守宛南道中感舊述懷得詩四

與首公由朔州寄守歐陽中
記從宛洛走燕雲
四馬恣恣過汝墳
漫說一官新作守
劇憐十載久行軍
梅花驛樹前番路
雁影斜陽舊日羣
同學故人何處是
長途猶自憶論文
中原南望此巖疆
一路西風舊壘荒
父老競迎新太守
河山猶認古昆陽
好憑日月銷兵氣
賸有韜鈴滿宦囊
回首睢城無限感
年來誰與話滄桑

廿年十渡趙家河
舊日題痕壁上多
今我一麾詣宛葉
故人幾輩隔干戈
萍蓬聚散有如此
雨雪驅馳當若何
莫道旗亭添好句
春時還聽勞農歌
豫山高壓萬山平
白水迢迢繞郡城
氣概遠吞荆楚勢
往來長繫古今情
最難風雨懷前路
如許川原戰幾枰
丞相祠堂光武舍
何人此地課春耕

板倒井題壁

玉照堂前柳放青
東風重到我重經
回頭多少升沈事
付與泉聲入夜聽

自太和至陳郡道中口占

芳草迢迢欲戀人
連朝低逐馬蹏塵
歸情似更忙於我

不向天涯傍好春

秋闈監試口占

鳳唳堂高月又東桂華香過幾秋風眼前應有關情事

壬戌

自為頗牧下蓬萊風日重重黯不開回首玉堂何處認

木犀香裏故人來

謂主司呂九霞同年洪幼元編修皆舊識也

十年戎馬久蹉跎今日吟情鑠院多一事教人更清絕

煎茶詩好和東坡

莫道八月初十夜明遠樓看月用東坡催試官考較戲

作詩韻

登樓空明月今夜月華好長空浩浩白無邊高寒如坐

蓬萊島拍手重攀青桂枝回頭自惜秋容老撐腸五千

卷至今猶在無此事遂廢已十稔羌無故實同凡夫昨

從宛洛走梁宋況與絳灌逐沽屠廢忘復論那可必今

夕景光殊自得碧空如水月如燭照澈中天懸作鵠

戲做北江詩體書弋陽民謠七章後呈鄭侍郎

我讀弋陽歌知公能得民民頌公功德我知公苦辛凡

公所為政為公一一陳公身安且吉公志誠且實公蒞

民以慈民愛公無失此公所爲政不可及者一公任在
催科公心在撫字公行在循良不任才與智此公所爲
政不可及者二公重若山岳公大若海涵不知公所蘊
疑公無所諳紛廢公所理亂亦公所戡此公所爲政不
可及者三公官爲守牧公職兼將帥公治乃農桑公功
銷烽燧萬事公所理公身仁勇備此公所爲政不可及
者四公昔令於洛繼更遷於汝中宦六蓼間親歷行與
伍克愛亦克威乃文復乃武禁中得頗牧民間呼召杜
此公所爲政不可及者五天子諡公賢擢公守斜谷未

至移楚疆父老卧車轂還我寇使君是我中州福申息
楚北門亦爲豫南服惟公觀察之救安及百族此公所
爲政不可及者六前歲公秉臬讀書不讀律公勤政以
清公惠教以弼餘事更督師莠鋤良以謚此公所爲政
不可及者七昨歲公開藩民安吏亦察與人尙循謹當
官戒狡黠休休个臣心萋萋真才拔莫道理財疎宏羊
心計拙爲國厚民氣爲民消天札此公所爲政不可及
者八今歲春王正改元書歲首公甫晉節旄公卽被塵
垢東戰梁宋交南戰汝淮口西暨宛與洛命將馘羣醜

此公所爲政不可及者九公曰靖民氣公曰端士習連
歲苦烽煙兩河士虛繫力請下科詔多士聞且泣上體側席心下閔白袍立此公所爲政
不可及者十我昔參戎幙卽知世有公嗣因蒞通言愈
識公之衷願公擴所學願公豐其功願公惜公身砥柱
中天中
八月十六夜闌中獨坐柬謝子晉前輩
昨夜月華好今宵風露深秋空如過雨樹老易成陰願
灑雲藍筆無忘辛苦心此中有枚馬簫管悵遺音

與君共筆硯先後步彤除蓬島三春夢秋風廿載餘文
章經戰伐仕宦幾崎嶇漫酌一樽酒重溫舊日書

八月十八夜雨中作

昨夜月明睡最遲今宵無月雨如絲秋風攪到樓頭角
涼意驚回夢裏詩刻燭又從人倦後捲簾依舊客來時
煎茶風味觀潮興除卻東坡知未知
闌中傲李白三五七言詩一首送胡熙伯太守之

官懷慶

大行高大河遙未能走送君還把明月招月光娟娟落

流集全集
古詩選卷四
六
紉素

時熙伯以紉扇索書此詩

脫劍挂在青桂梢

古意贈鄭虎卿大令

我初過苦縣不識鄭子真
悠悠滿行路風塵愁殺人
我今過夷門侯嬴不可得
復遇鄭子真似會舊相識
攜手看明河各向青天語
茫茫千里心勞勞吾與女
女來自淮海我來自梁益
烽火十年中鄉心風雨夕
願女爲鵬翮願我爲長風
浩浩送女行我亦凌太空

八月二十日書事東呂九霞洪幼元兩同年暨同

考諸君

三春夢林風甘楚綺文

昨歲我守宛淮寇薄城下無師且率國之人礮石轟轟
箭刀灑逾月寇復來禦之清水東城南一戰收奇功詰
朝寇退我亦去流亡乍復民未充今歲羣寇集來自頰
淮汝分行擾唐鄧西趨及洛浦中歷三川三室伊闕轅
轅間萬古崎嶇之途不測之淵不能阻況今三輔中回
紆烽未息潼池西渭池北太華蕭條汾水黑倘教鼙鼓
更西來中原處處森荆棘軍書昨夜飛建章一軍扼武
關一軍當鄖陽一軍下函谷一軍雒與商一軍遠出平
蒲路還阻大河兼太行更虞號東西偷作澗池渡策我

中州帥全師出西顧我帥聞命不敢駐平明提劍上馬
簡輕騎鼓行而西期辟易煌煌掄才典念念未及備回
首顧我語令我戴其事我與太邱長謂陳曉日夕坐秋
風書生恨無白戰術躬擐鐵甲登青嵩埋頭千堆萬堆
故紙中夜夜起舞行歌明月宮一詩投主司一詩寄同
考日催公等如東坡非爲明朝觀潮速搜討眼前八千
卷甯無范與韓願君聞此添蠟燭用蘇句送之九闈之上
一一修羽翰君不見凌空著步日可數千里長埽河氛
報

天子

闈中屬劉漢臺大令作萬樹梅花草堂圖丹麓補綴成幅暄暄有詩次其韻

羅浮一別幾經年紙上吟魂欲化仙萬點相思萬枝雪照人如夢更如煙

闈中七憶詩并序

今歲八月予以監試從事棘闈風景況味不殊甲辰秋試時惟當時老成交舊半已凋零其存者又不免有遠道天涯身世浮沈之感懷者七

人各系以詩他日知我者讀之當亦如今日之
興懷曩昔不能置也

闡中我何憶我憶賀季真生平知己公一人授我以羣
雅進我以典墳勸我當爲用世學誘我循循心殷殷一
朝見我破壁去拍案欲絕驚其羣公之於我乃如此公
之於世胡爲死嗚呼歌憶公兮歌欲悵嶽麓之雲湘江
水長沙賀耦耕先生巡撫吾鄉十年予受公知公監臨
甲辰秋試唱榜至予名輒高聲爲兩主司賀得士環
座皆驚闡中我何憶我憶萬尚書木犀香裏秋風初公得我文

字譽我爲璠璣策我壯遊走江海挂席直欲窮天吳一
朝翔步入雲表迴身已達承明廬卽今京洛十年久公
領戎曹我出守嗚呼歌憶公兮歌無耦獨上高樓看北

斗

德化萬藕船先生前主甲辰秋試予出公門
連年北上主公宅隨公浙江學幕癸丑始歸

闡中我何憶我憶何道州我文崎錡公能搜昨從齊魯
來迂作嵩洛遊見我著書告我語愛我乙乙新義抽我
學實事更求是古之所訓公所留公所貽我我墨守餘

事敦公作蝌蚪嗚呼歌憶公兮歌不朽那顧餘子唯與

否道州何子貞先生甲辰偕藕船師主秋試見予經策
知治鄭許學拔列前茅榜發公書實事求是四字見

貽並云此阮文達師貽我者今以貽君亦漢經師家法
傳經之意願毋忘前歲過汴見予所著古音類表歸德
寨保圖表汴城籌防備覽及詩文集
謂予能無忘所能點定一過而去

聞中我何憶我憶陳無已太息從頭數知己公愛我文
詞公試我經史對公走筆五千言列入學官稱弟子瞥
眼我步明月宮公亦從事秋風裏秋風脈脈今幾年我
今所事公已先嗚呼歌憶公兮歌最妍煎茶風味仙乎
仙龍巖陳訥齋先生為貴筑令予應童子試公一日試予七藝為公所賞甲辰公擢太守監試秋闈予適領
薦聞中我何憶我憶朱柏廬飄然一去歸西湖公歸西湖

中寄我雙鯉魚浮沈我似湖中水何時放棹來三吳我
登吳山公已去湖光黯淡雲模糊一樽我自酌公墓西
湖影接澈湖樹嗚呼歌憶公兮歌如訴無邊烽火江東

路

海鹽朱鹿賓先生為予甲辰房師歸田後隨即謝世

聞中我何憶我憶城南楊回頭三度秋風忙我行赴燕
國公亦試明光我昔銜

命事戎馬公亦振鐸歸故鄉一官蹉跎有如此幾疑人
世無康莊各有詩卷各盈尺萬古光陰休一擲嗚呼歌
憶公兮歌永夕打門風雨秋聲積

同年楊劍潭學博與予訂交最早甲辰同

舉於鄉三次偕計吏北上官麻哈教諭緣事落職今復起爲校官工詩所著芋香館集半與予倡和之作

聞中我何憶我憶尹道珍秋風寂寞多苦辛迢迢兩河路落落樓風塵相從至今已十稔我誼於公爲故人讀書無術致堯舜吹律幾日迴陽春驅車北過蕩陰里朔風冽冽朔雲紫嗚呼歌憶公公歌欲起天涯我尙傷知已同里尹蘊臯明經甲辰同試秋闈至今未博一第屢偕予馳驅兩河間今館湯陰令何夢廬同年家

聞中丞駐軍洛下漫賦

三川古名郡幾度駐雄師滿地弓刀影中原戰伐時風塵誰辨色樽酒且吟詩獨上高樓去蕭蕭聽馬嘶時登明遠

樓

八月二十六日得陸壽珊觀答書卻寄二首

脫卻征衣便憶君故人今日尙從軍驚心盤豆連烽火回首中條挂夕曛北渡關河三晉遠西來風雨二陵分蒼茫身世千秋感知爾樽前酒欲醺

白髮蕭蕭又據鞍計程應已到長安春風杜曲緋桃熟落日秦關亂木乾人雜氏羌征未易地連巴蜀論都難一軍遠過新豐去回首西園定倚欄

丁右衡大令索書近詩賦此奉柬

過從纔幾日相對總論詩薄宦飄零後中年感慨時此
才猶政拙吾道有心知盼殺梁園路春來芳草滋

題姚良庵觀簪小照

良庵觀簪作小照一麗者侍立坐後一虎伏其
側子貞師署曰愛怖圖庚申冬復屬王丹麓大
令作第二圖朱朵山前輩下轉語署曰無愛怖
猶愛猶怖也適觀簪索題此冊因再署曰無無
愛怖圖並系此詩

是媿媿者黛邪醜邪有其態邪顧而睒邪望邪礙邪我

則奈邪抑將耐邪非愛邪愛邪解一若彪彪者視則懼邪

懼之疾而勦邪惡邪怒邪逆則悟邪號而諄邪意怵怵

邪抑怛怛邪非怖邪怖邪解二無黛無醜無態無睒無望

無礙無奈無耐以無愛是觀自在解三無懼無勦無惡無

怒無悟無諄無怵無怛以無怖云何應住解四我聞須菩

提見種種色以無愛是名爲愛如來無無愛故應度滿

三千大千世界解五我聞須菩提具色色心心以無怖是名

爲怖如來無無怖故應在在處處無所從來亦無所去

解六須菩提於意云何愛相怖相是眾生相無愛相無怖

相是諸法相無無愛相無無怖相是無無相是無諸法
相凡所有相皆是虛妄諸相非相不可思量七我願生
愛心生怖心應如是生清淨心我願生無愛心生無怖
心應如是生滅度心我願生無無愛心生無無怖心應
如是生無所住心無所住心是淨信心不見如來亦爲
世尊而種一佛二佛三四五佛諸善根八

衛輝道中

汲城煙樹曉蒼蒼匹馬西來度太行一路櫓槍開戰壘
頻年風雨土征裳雄心未冷杯中酒奇氣難銷鬢底霜

悽絕將星何處是教人獨立感滄桑

次韻賈蘊聲方伯養疴大梁雨中感賦一首

漫說梁園易感秋歸來風雨帶邊愁驚心鼙鼓連清潁
滿地江湖幾睡鷗兵氣何妨觀壁上將星誰復戀旄頭
汴河東畔長隄外飄泊權爲不繫舟

述懷四首呈蘊聲方伯

如公眞老輩見我少年時落日中原路秋風兩鬢絲
蹉跎宦拙肝膽幾人知今夜刁騷雨應成感舊詩
昔公典方岳檄我守睢陽秋氣迴蒙澤春風到小黃

危閒壁壘辛苦課循良太息泥東路空餘戰骨香

謂陳復亭

大令

我昨遊淮北公先駐潁西孤城環虎兕百戰走鯨鯢烽
掃符離遠雲屯下蔡低至今有餘憾回首聽邊鼙

各抱千秋感難銷今夜情江湖有知己杯酒話生平落
落夷門道迢迢故國程中原猶若此何日可歸耕

送朱錦橋太守歸養遼陽

徐無東去是閩陽華表千年認故疆渤海潮連松杏碧
渝關雲枕薊遼黃驚看遠道延芳草豔說家山傍帝鄉

何日管公屯畔住與君攜手話蒼茫

無端風雨促歸程回首中原未解兵長吏幾人工殺賊
使君今日卸專城權將華黍酬高厚莫戀煙霞負聖明
盼爾重來何所事蕭蕭班馬正西征

感事

壬戌九月

年來不復理征鞍搔首仍從壁上觀四塞山河羣盜集
八關風雨戰場寒天心自古通中岳民事于今託長官
多少閒愁無處問金明池北倚闌干

獨上秋原望潁川蕭條三郡阻烽煙營環空柵全師老

軍擁孤城萬騎懸道左囊韃餘舊部夜來風雪憶當年
平輿淵畔淮西路顛顛東南半壁天

白水鄉邊古戰場幾人增戍守巖疆驚看野蔓連淮汝
愁對秋風入鄧唐林箐遠黏秦霧黑川原遙帶楚雲蒼
山南底事無豺虎爲有偏師下武當

涓水迢迢一片秋兵塵飛渡古東周遠從宛葉踰重險
直下崤函阻上游三晉烽迴河曲戍二陵雲薄郡西樓
驚心怕向關城望都尉何人縮豫州

東滎西汜兩蕭騷絕險空餘舊虎牢自古風雲趨廣武
幾人征戰走成臯軍聲夜聽河流急野火秋騰嶽勢高
咫尺塵沙到京索夕陽樓上亂鴉號

屈指誰爲上將才蒼茫我詠大風來梁園日暮雲千里
牧澤秋深酒一杯滿眼江湖幾鴻雁側身天地半蒿萊
重重浩劫紛無數又聽城頭畫角哀

贈水少泉大令卽題其詩集

與君重握手杯酒話平臺戰伐頻年事文章絕代才同
時幾伯仲此地有鄒枚搔首梁園道斯人作吏來

題朱錦橋太守歸養圖

握手如昆季相看各老親
還家真羨汝薄宦尙羈人
遠海團團月梁園寂寂春
那期數行柳青入畫圖新

水少泉大命自賦其詩

澹勤室詩第四

澹勤室詩第五

貴筑傅壽彤著

癸亥秋日劍曇阻兵襄城予率師將至裕州詩以
速之

君自南歸我荷戈相逢期在趙家河
吟痕化盡無從認
顛顛西風戰壘多

博望驛待劍曇不至詩再速之

屈指與君別於今已十年
傳聞在襄許猶自隔烽煙
前夢幾時續相思今夜懸
滔滔趙河水嗚咽勸征鞭

劍曇話梨雲小樹舊事雜紀以詩

我居南島爾青楓一樣遊仙夢不同賸有詩情千萬疊
年來都付鬢毛中

仙館分明署芋香故人幾輩住衡陽十年一別難回首
應有寒雲數點蒼

海棠香館夜迢迢花底聯吟絳燭燒憶否秦娥初識面
試燈時節可憐宵

記否棲霞訪翠仙嵐光漠漠暮生煙夕陽到底多情甚
自向山頭照杜鵑

生就豪情是紫仙對人常詠寶刀篇傷心我更懷知己

一劍相逢二十年半知共飲一八更宵一火語前嫌

當前許我定封侯官柳條條戰馬秋歷盡兵塵飛徧劍

祇今猶未脫兜鍪與夫主精少寶鳳始共持梅嶽香

清風臺畔碧城西十二迴欄月向低萬朵芙蓉誰作伴

團花應繡採香泥一舞舞袖兩雙飛

一舟夜泊楚江濱衣上浮塵夢裏身多少傷心都化淚

桃花滿樹武陵春中流回首

琉璃萬頃踏清波夢裏聯吟醒後歌一片光明好世界

可容著箇病頭陀
一箇蒲團坐不勝
夢中添箇繡衣僧
南山有約應回首
底事相看喚不應
底事相看喚不應
旗亭當日折楊枝
十載輪蹄兩鬢絲
多謝碧城諸女伴
大家齊和趙河詩
十二匹驢只向於
萬朵芙蓉騎
壯遊我亦徧人間
輸與先生詠九寰
屢欲注蘇難著筆
應呵風雨護名山
邦官吟刺刺
延津雙鑄鐵
生寒幸我先分劍
一九更有一丸誰領取
天涯今日有人看
山人常病
寶尺
論
心
共
更
對
映

也學梅村詠兩生
當年歌曲最淒清
不圖淚滴銅駝後
猶向南朝哭幾聲

蓬萊宮闕不曾關
春色隨人自往還
待到月明香定夜
與君攜手過鄉娘

營中聞僧邸移師
江北和壽垓作

眼前已是輾輾塞
回首平原萬馬歸
西峽一軍到宛洛
東山今日下淮淝
全師遠落羣麼膽
百戰會銜上將威
江左有誰同擊楫
與公辛苦破重圍

崔韻山廣文索觀劍曇詩集賦此以贈

故人一束新詩卷付與州平子細看交道有誰同骨肉
天涯今日竟團團頻年仕宦憐歧路自古文章屬冷官
君亦豪吟堪健羨願揮秃筆勸叢殘

題張耕雲道士雪蕉圖

一樹蕉一重雪道人閉門三十年心如堅冰骨如鐵天
寒有客來叩門雪花如掌蕉花繁卷盡千層萬層心雪
花吹落蕉花陰幾時攜手湘雪岑爲君煮酒相酌斟

采蘭曲十首題程道南進士采蘭圖

君家甌越間我家沅澧側各爲萍與蓬胡乃竟相直

我近執囊韉君亦事鞍馬我遊宛與葉君來淮與汝
相逢在行路結交生古懽我行歌陟屺君行歌采蘭
讀君采蘭詩與君心相知對君發長嘅憶我年少時
暑年奉北堂薄遊燕與粵中歲歷梁汴天涯芳草歇
輸君歌采蘭日在春暉裏朝盼蘭花開暮對蘭花喜
蘭生今幾日回首憂患多况違世氛慙遊子當如何
迢迢仙霞關莽莽大河澣悠悠孝子心萬里風波苦
願君采蘭去莫涉澧水波水波千萬疊教人悲海羅
采蘭復采蘭君當在庭下華葉凌三春寸心足千古

采石營中雜詠
朔雲漠漠繞城闌
低接炊煙高戶新
多少兵塵銷不見
平疇今日又生春
六代宮闈空在
心窩里風吹管
匹馬當年渡汝墳
倚戈今又伴斜曛
舊懷無數難重覓
坐看天涯雁幾羣
春華莫問
劍閣空關
昔年征戰地
昨宵劍影自錚錚
昆水無波百鳳生
是我前年征戰地
尚餘孤月挂銅鉦
山醉吟
昔年征戰地
方城東去是襄城
中隔昆陽戰一枰
幾箇白頭癡父老
諄諄猶話漢家營
人事幾如
昔年征戰地

河山自古戰枰多
自對斜陽起浩歌
絕好詩情拋不斷
劍光如綫月如梭

涓水迢迢不放波
趙家河畔月痕多
擡頭欲向青天語
數點春星眼底過

從戎我憶十年前
處處閒雲繞玉鞭
最是舊愁難放去
擎杯看到月初圓

記得前宵渡潁西
寒雲落日草萋萋
西南山色閒無那
頻與征人送馬蹏

昆陽

春風今日滿昆陽兵氣銷沈劍化芒絕好河山堪放眼
最憐花柳未成行卅年身世同浮梗萬里烽煙繞故鄉
何事中原滯戎馬將星看到月昏黃

滑縣月夜圖

年來事戎馬提軍屯滑臺高臺自今古滑伯安在哉登
臺發清歎極目森蒿萊側身渺難立搔首青天隈夜深
秋聲至與誰同舉杯

秋聲樓

當年我讀秋聲賦今夜秋聲樓下佳月明滿地散秋聲

聲聲又入樓前樹

放歌

我昨訪赤松會駕斑龍遊踏遍九州上參井俯看人世
如浮漚拔劍四顧星文直波濤洶洶搏部洲拍手凌長
空豪情渺難已哦詩先付老人星十二萬年一瞬爾

為還初道士書扇

碧海波澄皓月生月光侵入水銀平天邊何處尋知己

應向瑤清駕鶴行

海月迢迢入夜寬笛聲吹上九霄寒蓬萊許我頻來去

不似人間行路難
題孫登鐵琴拓本為陸壽珊觀管作

公和以嘯名那知琴更清
公和琴一絃那期鐵作聲
黯

然數尺鐵如代公和
鳴公和鳴公和心公和一
去千有

五百載公和之琴之心
乃至今嗚呼公和之琴公
和心

知其心者誰最深
吳公子項墨林愛惜此琴
如珍琳近

從紙上求賞音
梁阮題識張叔吟一一
署名琴之陰琴

今在何所恨我未會
鼓天高月黑望蘇門
一曲歌成付

陸羽
寄劍潭二首

今歲二月朔我歸自昆陽
下馬走問君知君剛渡黃
欲

追與君語恐增君離腸
忍淚任君去君去遊何方
落落

長安道悠悠少年場擊筑
詞結交握手無老蒼偶然
寄

薇省意君心暗傷今君果
改外君行當過梁梁王臺
上

月夜夜明如霜照我入魂
夢青天雲路長

思君不能置致君雙鯉魚
從頭向君語欲語先踟躇
作

客萬里外故鄉烽火餘適
有鄉人來言過君之居問
君

家中事一一親告予堂前
糟與糠白髮門與閭繞室
幼

與穉讀書聲徐徐傳語報平安願將鄉愁除努力志仕
宦功成歸敝廬以此緘贈君君意當何如

題陳春綠觀答重臺桂畫卷

秋色蓬萊第幾家木犀香裏挂靈楂天風吹墮如來影

散與人間作榜花

題到君家第四圖

用金可亭前輩句

重重金粟影模糊詩成我

更懷前輩為問郗詵知也無

短歌行贈李子衡比部

我昔過淮左君亦到蔡州蔡州烽火城西樓攜手登樓

看旄頭旄頭將星中夜流仰天一顧笑不休嗚呼我去

君不留君不留蔡州我去宛城陬可憐一別成三秋我

脫兜鍪君看吳鉤席前有箸誰借籌祇今又作夷門遊

嗚呼夷門之衢古有屠沽夷門之徒今無侯與朱嗚呼

唯我與君攜酒壺

蓬萊篇

閭陽蘇將軍贈我詩一篇詩懷灑灑仙乎仙仙才如許

不可得令我回憶蓬萊山蓬萊山高一萬八千丈水深

百道日日飛流泉我與將軍居此間朝登蓬萊頂暮下

蓬萊邊蓬萊處處皆瓊田田中同種蓬萊蓮蓬萊春滿
花鮮妍抱花常向蓬萊眠有時驂鸞駕鶴走千里往來
不出蓬萊之山山之巔那期一朝小別下塵世我到井
鬼之野將軍乃亦居幽燕九州莽莽互追逐干戈影裏
旋復旋浪遊四十三載欲歸去貽我詩篇千有八十言
數我髫齡日及我仕宦年萍蓬聚散乃復爾浮生飄泊
誰爲憐將軍將軍遊徧垓與垓今乃別我先泛蓬萊船
蓬萊縹緲波生煙煙中樓宇聯翩翩芝楣蕙棟文杏之
櫺青玉椽就中著箇雙蒲團將軍自今一坐當萬載其

一待我歸來同拍肩俯看人世生憂煎無聊猶把陰符
編有時醉裏還問天山河兩戒程萬千幾人結就蓬萊
緣吁嗟乎幾人結就蓬萊緣哦詩報將軍將軍然不然

自題秋江夜泛畫卷寄黃子壽編修湘中

我家沅澨溪近接瀟湘泝秋光片片秋葉飛秋情脈脈
秋花吐紅蘭碧露圍滿船蘆花夜落秋風邊秋江漁子
卧明月月在青天秋瑟瑟回頭看漁子令我生鄉愁何
時打槳蘆中去與君握手銷煩憂題詩先寄君君可忘
憂矣君家漁舟艤江涘瀟邪湘邪乃如此

曲沃尉

先帝三年春粵寇薄江表西出梁宋間北度太行道悲
哉曲沃尉孤忠如日曠罵賊致殞身報國忘官小令子
宦梁園攬淚逢招討悠悠家國仇念之心如擣痛哭著
戎衣傷心披素縞匹馬出井陘轉戰及燕趙中歷賴與
淮十載風塵飽滅賊會有期此衷永不槁

送許海樓學博南歸

許子天下士僑居昆水陽昆陽宛北門家在東道旁惜
哉我兩守宛不識君昂藏昨歲事戎馬重過飛鳧鄉把
臂與君遇相看發吾狂招作梁苑遊時飲夷門觴信陵
不可得河水流湯湯今送君歸去我亦歌徬徨

寄懷崔學博懷玉

與君小別已三年往事如塵更化煙祇有月華隨處好
今宵猶照故人眠

再題孫登公和鐵琴拓本爲裘小華諫議作

公和之琴君見無其質則鐵聲如釘公和一去落誰手
音鏗響寂斑模糊偶然隨緣住塵世前依項氏今歸吳
吳公愛琴付公子不令淪落投江湖攜之遠遊鬱林郡

歸來復向邗上居此材久不發天籟公子抱琴心脚踏
有琴不鼓亦恆爾將胡以爲公和徒乃授梁阮作題識
更覓張叔歌喁喁江干寂寞又廿載誰其署名琴之隅
好事乃有陸大夫手拓此琴形不殊持以示吾吾其吁
琴心已歇琴聲徂琴今不見琴有模詩成我曾付陸羽
一時和者笙與竽就申太息惟賈傅謂蘊聲與我同嘅
蘇門蕪那期近更得知已謂我詩如公和歛索我再題
琴之圖琴兮琴兮永不枯公和公和猶在乎

蘇賡堂河帥屬題學海棠春餞圖

向惜公歸早公歸閱歲時此心原坦蕩與世共艱危舊
夢懷京國新

恩到海湄徵車應再起無復詠江離

碧嶂重重秀紅棉樹樹春門前幾弟子海內有斯人感

積丙丁歲公集中有丙丁感事詩四首患餘戎虜塵未行先北顧揮

涕屬河津

久負

先朝望頻遷諫院班精神文路國出處謝東山風被江
淮左春回鞏洛間榮光河上祝不放嶺雲還

玉署追隨晚從公入大梁同治甲子三月公開藩中州子以四月領開封事未

能輸遠志相與會

先皇昔頌河如鏡今憂字有芒將星天漢側矯首認蒼

黃

五月十一日夢中得當筵星斗直俯瞰大河秋十

字次日劍曇至自京師因續成以贈卽送其通

判嶺西

當筵星斗直俯瞰大河秋何處青楓館相思紅葉樓人

天兩攜手杯酒話從頭萬里嚴關路因君懷舊遊

後遊仙詩

手撥瓊輪步始青碧空無際月瓏玲眼前便是浮黎十

喚起蒼龍去聽經

些子神風洞碧空綠輿輻輳少微宮年來慣侍諸真坐

三洞雲飛一瞬中

赤明龍漢及開皇三劫重重氣積黃著我其間無箇事

閒將太極剖陰陽

三合靈文結妙音玉臺金格鐫深深姓名知否書青簡

且剖胞原去問心

十六夜雨再懷劍曇

與子別經旬相思日日新夜來到秋雨何處拭征塵客

邸無知己天涯有故人計程應過嶺

時鄉人曹郁軒大令宰臨嶺且

復挂雙輪

闌中爲水鏡甫大令題梅花便面

東風不讓百花開又把胭脂寫歲寒不道題成紅更好
惱人春色耐人看

題痕舊冶總胭脂自唾腥紅畫折枝待到花時重付與
可憐點點是相思

顧月堦同年以藍筆畫竹見貽爲題長句兼柬夢

廬

與可畫竹如寫生千竿萬竿皆有情願君畫竹得竹意
爲竹寫意兼寫聲竹聲落處秋聲起我識君畫十年矣
今年秋比去年多回頭欲問秋如何露華吹過秋無影
秋光乃落修竹頂一片蕭森萬行玉不鉤飛白不蘸綠
秋向雲藍筆底飛聲從鳳唳堂前續堂前个个霏琅玕
幾時同上青雲端俯瞰人世二十有四載我爲頗牧君
宰官簿書戎馬兩從事那期今夜重聽秋風寒秋風不

可留秋竹卻生肘畫成一幅詩一首哦詩我欲問何郎
往日秋風還記否公詩人共三千四百四
亦自十六日雨至于二十六日再懷劍曇个與題
一雨不能止連宵秋更深慮妨遊子路重繫故人心仕
宦嗟何晚蹉跎直到今樓頭鈴語滑若爲爾長吟無濕
登明遠樓寄懷陳曉坪前輩
五年前上此高樓攜手聯吟紀盛遊一片承平聲過耳
無端風雨感從頭詔書切責淮西帥烽埃驚傳洛下秋
曾幾何時人又到凭闌不放月華流風賦

姜蘭荅封翁遺照

玉貌方瞳望儼然拜公遺象識公賢一官簿尉吟身老
卅載聲名幕府傳有子況爲民父母斯人合是古神仙
迢迢清水宛南路溯到風流憶往年封翁官宛久惜子
守宛不及見也

表小華觀察海天長嘯圖

河津東去海無邊爲有鯨鯢浪拍天盼殺天風吹月出
夜深來照蟄龍眠

海天無恙奈愁何獨立蒼茫感慨多搔首竟難尋嘯旨
爲君且唱定風波

九寰遊草編成自題其後

我本

先皇舊史官年來磨盾墨痕乾茫茫九域從頭誌應比
元豐下筆難

寄劍曇

廿載交情萬古心幾經飄泊幾浮沈無端又見今宵月
隔斷前生夢最深
人半相思酒半酣梅花數點月初三念念春色無從寄
且唾雙丸向玉荊

哭亡兒寶咸

此去應知在那邊輕魂飄撇赴重泉願兒莫再回頭顧
又結來生第二緣

生怕泉臺路太生兒魂幼小不知程傷心盼到臨歧處

有箇阿咸伴汝行

孫兒鍾昇
殤甫數日

按部南陽二首

軺車今又向西行白水青山舊日程猶有兒童呼父母
況餘戰蹟作官聲數村牧笛斜陽晚一路梅花廢壘平
長吏如迎應問訊年來曾否課春耕

頻年征戰半都忘今日何堪歷故疆轉饑舊爲宛太守
提戈親從漢南王川原自昔連淮潁風雨誰教入鄧唐
此去春陵應駐馬盼來佳氣鬱蒼蒼

行次南陽與黎生承忠夜話卽題其太行觀雪圖
與子不相見於今經幾時十年猶作客此夕更論詩雪
滿太行麓秋深淝水涯浮生感行役我鬢亦成絲

行次鎮平借吳子延大令汪孟平縣尉迂道遊菩提寺

見說菩提寺峯多不易尋其間饒水石我輩好登臨繞

樹綠雲滿到門黃葉深衰哀不忍去空翠落庭陰

葉縣道中

昨上方城道今來昆水邊河山留戰跡風雨話當年地
闢民常樂時平吏欲仙王喬猶在否祠樹望依然

贈歐陽潤生大令

霖

驛舍逢歐九停輶欲勞之政聲成幾日吾道久相期

潤生

未仕日曾入予幕中今夜一樽酒當筵數首詩臨行語珍重努力

聖明時

贈門人許海樓孝廉

靜

許君天下士五十尚能豪出處懷知己文章屬我曹游

歸京國晚居傍石門高在日文通在相逢話幾遭石門山在

葉為高文通隱居處海樓卜築此間

歐陽潤生招同杜仲萱農部暨海樓孟平兩君游

卧羊山黃文節公祠觀新刻文節書幽蘭賦得

四絕句

昆水無聲漲水漸卧羊山畔立多時輶車不肯念念去

為有熙甯舊尉祠文節於宋熙甯間為葉尉

八百年來鄉後進謂潤生新公祠宇識公心願更進為公

弟子寫公治譜作官箴

我識題名已十載山有文節題名一回拂拭一躊躇從今付與

乾坤去收取奇光待大蘇東坡書前後赤壁真蹟存崖季芬總戎家上有黃跋潤生

擬並采祠中

幽蘭一賦異同多文節公所書此賦較唐文所載韓伯庸幽蘭賦多三十餘字而詞意重複

賦中攢又誤作橫況復簽名事更論頓首署吏部員外郎黃某奉勅書於續熙殿中而宋

史本傳徽宗即位召為吏部員外郎辭疾不拜周季鳳

作文節別傳亦云以吏部員外郎召皆辭不行年譜除

吏部員外郎在建中靖國元年四月具辭免不許六月

再具辭免文節此次奏狀亦云在荆南聽候朝旨明年

學士家其先端敏公督師皖中時所得子以疑竇多未
敢摹刻今過此山潤生已命工築祠中雖一時好事者
附會之于謂古人名跡終當傳信故既
爲此詩並識數語於此以誌後之人
我學先生辨蘇
帖文節跋東坡所書張夢不教高述作東坡
得東定爲高述偽作

舞陽道中

朔風吹不住催我到西平
落落升沈感悠悠今古情滿
天舊風雪此夜尙縱橫
又入淮西路題詩留故營

題郭萼香丈海粟齋詩集

愛讀公詩久公詩今更多
斯人真老輩此日復高歌
仕宦留滇蜀文章重李何
好乘淮上月白髮且相過

按部回轅萼香丈以詩見貽賦答六首

迢迢宛葉別經年盼到東風又著鞭
爲問詩情添幾許

杏花山下早梅天

山在鎮平東

舊路重重近武關
金戈鐵馬幾迴環
此行應比當年好
不著兜鍪且看山

召杜祠旁又駐車
兒童慰我語聲譁
使君今日重來此
不算行邊算到家

手筆慚無作史才
一麾曾自禁中來
不堪十載承平後

繫馬重登講武臺

臺在葉縣東

圖懷老輩謂蘇賡堂前輩走筆寫新詩各有中原感君行當付

誰

題洪汝舟廉訪小照

漫天莽風雪有客到夷門別我已三載為君歌一言傷

心懷往事攜手話中原看徧梅花樹孤山何處村

不盡浮生感無聊畫此圖壯游富京洛歸夢落江湖白

首詩千卷青山酒一壺願從驢背去且莫注陰符

何夢廬同年以園中即景詩見示賦會一首

夷門有客倦遨遊為植芳華戀此邱少日襟懷猶落落

百年心跡付悠悠陰晴無計回天意父老何人識故侯

短褐沾泥親荷畚半添詩味半銷愁

吳抱仙通判以菘圃相國涵恩歸棹圖屬題得二

截句

天上恩光水上波當年諸老詠題多臣心畢竟難描寫

我為先生補棹歌

千里長河一片秋詩成我欲寄中牟時抱仙攝中牟此間亦有

先臣績為問孫琴譜到不抱仙藏有鐵琴亦相國所貽也

聞中聞郭尊香年丈至自申陽重宴鹿鳴喜而作

歌

前歲秋風裏我居鳳味堂回頭一笑出門去拍馬直上
胎簪之顛申臺陽申陽臺畔大復趾前有王郎後何子
千秋才調隨所鍾踵之者誰今郭公拜公我見公風采
年餘八十心萬載幾經酬唱幾論心識公未久知公深
公之宦蹟留滇蜀宦成公有循良目歸來慷慨復吟詩
海粟齋頭人斷髭白日西馳寒風嘶爲公且數年少時
睿皇改元歲十五臣家舊有登科譜公平獨立經幾年
屈指于今又庚午亭亭青桂重可攀趨公快出淮南山

公未成行我先去別公我向夷門住夷門今歲秋光多
我從鑠院看明河桂華皎潔雲無波思公不見當如何
一朝鵲下官書抵對書我自心先喜已得徵車就道期
計程詎知公至矣公至猶憐我未歸我歸應共公悲哀
我本公年家公今還記否公與賓筵我酌酒酌公酒爲
公壽人世百年幾耆耆當筵已無同歲生對我祇應開
笑口願公誨我誨公誨我擊缶深情雅意有誰知此日
此樂真不朽

尊香文以傳菊詩見示賦會二絕

今年種就菊千枝花未開時公有詩今日花開詩又至
爲花賜姓報花知

此花舊屬陶彭澤近亦嘗依韓相州何事又將花藉我
平分瘦骨占高秋

東蓴香丈三首

公至已十日未與公握手別公將一載未知公健否思

公未見公作書問歐九

謂履初
孝廉

今得歐九書爲言未衰

朽徒步過我居高談坐良久補題傅菊詩一日成數首
海內有斯人天意洵非偶熙熙八門自與西公意然

聖人世待公作者考

公昔有佩研行藏恆與俱今來梁王苑解佩先貽予爲
子職風紀所至乘輶車山川此能說循良兼可書上以

報

天子下以蘇窮間餘事作歌詠攄爲璠與璵公真遇我
厚我行當何如捧硯謝不敏未語先踟躕

先公同舉友惟公今在茲因公發長嘔此意公知之時
時亂它語媿媿前致詞達人自有後廉吏猶可爲況遺
手箸書早付千秋垂高名永不駛人世安足追感公語

作達釋我心傷悲我終有餘慕微公當告誰

尊香丈重宴鹿鳴詩以賀之

睿皇十五載屈指計登科此日逢周甲中原況止戈君

恩旌壽考天意補蹉跎我有先臣感

先大夫於嘉慶庚午舉京兆試

泊延水波

和賡堂河帥贈橋原韻寄子壽京師

天寒誰贈橘公竟送詩來各有凌霜感平分作頌才羅

浮前夜夢湘浦舊時裁爲語蓬萊侶相看莫漫猜

劉子恕前輩招集同人寓齋賞蔣葉湘筠觀察卽

席有詩依韻奉酬

莫訝芳華晚年來風雨頻高懷宜對菊雅意迭延賓秋

老花無夢詩成筆有神會攜麝并水酌與壽閒身

我有菊千本花時香最深今番得知已相約抱秋心水

閣閒中詠柴桑歸去吟斯人久不作坐對色如金

湘筠又有詩來再疊前韻奉柬

又將詩作會我亦和頻頻往事餘歌詠豪情孰主賓相

臺人健在子美句通神莫漫悲搖落籬東聊寄身

憶從人散後猶愛夜來深起步中天月愁歸三徑心昨

